



Bosna Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K. Gradašćevića 54, 76 250 Gradačac, telefon 035-369-750, fax. 035-369-751, web. www.gradacac.ba,

Općinski načelnik

Broj: 02-14-3012/18

Datum: 14.03.2019.godine

Na osnovu člana 110. Zakona o javnim nabavkama („Službeni glasnik BiH“, broj: 39/14) i člana 38. stav 1. tačka 6. Statuta Općine Gradačac („Službeni glasnik Općine Gradačac“, broj: 4/08, 5/12, 1/17, 5/18 i 8/18), Općinski načelnik, d o n o s i:

ODLUKU OBUSTAVI POSTUPKA JAVNE NABAVKE

Član 1.

OBUSTAVLJA SE postupak javne nabavke: „Izgradnja odvodnje fekalne kanalizacije u dijelu MZ Svirac, naselje Mejremići, Općina Gradačac“, za potrebe Općine Gradačac, a za koje je objavljeno obavještenje o nabavci na portalu javnih nabavki pod brojem: 1400-1-3-105-3-75/18 od 27.12.2018. godine, a na osnovu pristigle žalbe ponuđača „GALAX-NISKOGRADNJA d.d. Brčko na Odluku o dodjeli ugovora broj: 02-14-3012/18 od 11.02.2019. godine.

Član 2.

Postupak javne nabavke se obustavlja do donošenja odluke/rješenja po žalbi. U skladu sa odlukom/rješenjem po izjavljenoj žalbi, ugovorni organ će o nastavku postupka javne nabavke obavijestiti sve učesnike u postupku.

Član 3.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke za izvođenje radova: Izgradnja odvodnje fekalne kanalizacije u dijelu MZ Svirac, naselje Mejremići, općina Gradačac, broj: 02-14-3012/18 od 25.12.2018. godine. Procjenjena vrijednost nabavke je 136.752,13 KM bez PDV-a, a nabavka je provedena putem otvorenog postupka i uz predviđeno održavanje e-aukcije.

Blagovremeno su prispjele ponude ponuđača „Galax-niskogradnja“ d.d. Brčko i „Balegem“ d.o.o. Gradačac. Komisija za javne nabavke je pregledala zaprimljene ponude, utvrdila da su oba ponuđača kvalifikovana i Zapisnikom o ocjeni ponuda od 22.01.2019. godine preporučila održavanje e-aukcije. E-aukcija je održana dana 25.01.2019. godine sa početkom u 11,00 sati. Nakon održane e-aukcije ponuđač „Galax-niskogradnja“ d.d. Brčko je ponudio najnižu cijenu, usljed čega je Općinski načelnik donio Odluku o dodjeli ugovora ponuđaču „Galax-niskogradnja“ d.d. Brčko broj: 02-14-3012/18 od 28.01.2019. godine (dalje: Odluka od 28.01.2019. godine)

Dana 05.02.2019. godine je ponuđač „BALEGEM“, d.o.o. Gradačac uložio žalbu broj: 8-2-437/18 na Odluku od 28.01.2019. godine. Komisija za javne nabavke je razmatrala pristiglu žalbu (Zapisnik o vijećanju Komisije za javne nabavke od 08.02.2019. godine) i utvrdila da je žalba blagovremena, dopuštena, izjavljena od ovlaštene osobe i osnovana, te je ista usvojene u potpunosti i dana 11.02.2019. godine Općinski načelnik je donio Odluku broj: 02-14-3012/18, kojom je ponuda ponuđača „Balegem“ d.o.o. Gradačac ocijenjena kao prihvatljiva, a ponuđač „Galax-niskogradnja“ d.d. Brčko proglašen nekvalifikovanim (dalje: Odluka od 11.02.2019. godine).

Dana 04.03.2019. godine ponuđač „Galax-niskogradnja“ d.d. Brčko je izjavio žalbu broj: 52/19 na Odluku od 11.02.2019. godine. Komisija za javne nabavke je razmatrala pristiglu žalbu (Zapisnik o vijećanju Komisije za javne nabavke od 05.03.2019. godine) i utvrdila da je žalba blagovremena, dopuštena, izjavljena od ovlaštene osobe, ali je neosnovana, te je kompletan spis dana 05.03.2019. godine prosljeđen Uredu za razmatranje žalbi

Na osnov navedenog, a u skladu s odredbama člana 110. Zakona o javnim nabavkama donesena je odluka kao u dispozitivu.

POUKA O PRAVNOM LIJEKU:

Žalba protiv ove Odluke nije dopuštena.

DOSTAVLJENO:

- 1.Ponuđačima,
- 2.Evidenciji,
- 3.a/a

